



DEO OPTIMO MAX.

UNI ET TRINO,

VIRGINI DEI-PARÆ, ET S. LUÆ,
Orthodoxorum Medicorum Patrono.

QUÆSTIO · MEDICA,

CARDINALITIIS DISPUTATIONIBUS
*manè discutienda in Scholis Medicorum, die Mercurii decimæ-quartæ
mensis Maii, anni M. DCC. XLIX.*

M. JOANNE-FRANCISCO ISEZ,
Doctore Medico, Præside.

Decedine aliquid Venustati diuturniore somno?

I.



RIA sunt corporis bona, Sanitas, Robur, Pulchritudo. Sanitas in facultate corporis aptâ omnibus actionibus perfectè exercendis consistit. Perfectissimam valetudinem sequuntur Robur, Pulchritudo: Hæc enim est dispositio quædam ex optimâ corporis constitutione orta, sensui grata; quæ in muliere venustas, in viro dignitas dicitur; Nec

A

enim fucatam & mangonum propriam quærimus, quæ peregrinis nugis & artificio omni adsciscitur; sed veram, germanam, quæ nativis exurgit coloribus, lineisque mirâ proportionem coalescentibus. Hæc non una eademque omnibus; Æthyops vultus nigrorem, cum simis naribus; Persæ ejusdem albedinem, aduncum nasum commendant; quibusdam pallor ad decus conferre creditur. Ferè omnes eximiâ formâ sceminam putant, in quâ mixtæ candidiore, ac tenui rubore genæ nativum rosarum splendorem referunt; subtilia labra, tenuique interstitio distincta, genarum purpuram vincunt; dentium series ordinata niveum repræsentat colorem; nares paululum inflexæ sunt; oculi magni, cærulei, flagrant, & puro lumine suffecti, quorum geminos orbes hispidus superciliorum coronat arcus; frons mediocri magnitudinis; menti, gutturis, colli habitioris lactea cutis, quæ propius inspecta juvenili rubore suffunditur; aptus denique reliquarum partium commensus. An ad pulchritudinem corporis proceritas requiritur?

I I.

PULCHRITUDO perfectio quædam est, cui ex minimo defectu labes inuritur. Si eam conservandam suscipis, si pulchritudinis autumnum pulchrum præstare cogitas, fugacem retine, ne ejus gratia temporis lapsu præproperè deflorescat. Quibus tandem artibus? Mediocre corporis habitudinem conservando cum coloris suavitate conjunctam; cavendo fædos colores qui faciem deturpent, maciem larvalem, nimiam pinguedinis molem, athletarum habitum, qui formosorum numero eximuntur. Vitium omne vitabitur sanguine cum quantitate, cum qualitate laudabili, excrementorum absentiâ. Sanguis per totam corporis molem diffusus, partium minimarum intertrimenti reparandis par, *εὐσπαρίας* suggeret; tenuis, purus, calidus, *εὐχρῶς* cuti, præcipuè faciei, quæ subtilior est, conciliabit, ex illius nativo candore, & subjecti cruoris rubore simul commixtis genitam, præsertim si omnis generis supervacanea ritè eliminantur; alioquin erit vultus veluti nitentis, crasso oleo in intestinis diutius morante, utrâque bile suppressâ ictero turpi fœdabitur; sero subsistente pallebit; halituofo vapore intus cohibito erit subtimidus, & *ἐκθίττω* præ se feret. Probi igitur, & cum dignitate manus suam obeuntis erit Medicus, sceminis, quibus cura sui cultus eripi non potest, eas artes præscribere, quibus alimentorum probè concoctorum distributio, excrementorum exclusio promoveantur. Ad hæc somnum longiorem conferre asseret nemo, qui vel à limine Medicinæ salutarerit.

I I I.

CUM fieri non possit ut perpetua sit sensus agitatio, propter nimium spirituum exhaustum, cuicumque sensus inest, eidem & somnum inesse necessum est. Hic non unius cujuscumque privati sensus

affectio est, sed communis & principis, ad cuius vacationem sequitur cessatio incitationis, & motionis aliorum sensuum: Scilicet ubi primum sentiendi instrumentum, nempe cerebrum, spiritibus propè defectum est, nullosque vel paucissimos ad sensuum officinas valet transmittere, confidentibus nervorum fibris, cerebri aditu prohibentur obsectorum impressiones, somnusque obrepit, in quo sensus omnes vacationem quandam obtinent cunctis animantibus concessam, ad quietem & incolunitatem. Quocirca inanitio & defatigatio somni naturalis causa est; ac proinde vigiliis & multâ exercitatione fessos arctior solitò somnus complectitur: Non naturalis censendus est qui oppleto fit cerebro, vel halituoso quodam vapore, vel humore copioso, quo non solum primus sensus offunditur, sed & aliæ Facultates consopitæ jacent. Qui absolutâ concoctione protrahitur, quamvis soluta facilis, longior est; tuncque non est ampliùs quies lassæ, sed sepultura corporis suffocati; non reparatio, sed spiritûs propemodùm extinctio.

I V.

SOMNUS diuturnior non solum vim vitæ imminuit, à quâ infelix deinceps expectanda concoctio, sed etiam succorum ad alendum necessarium distributionem, excrementorum corpori noxiorum expulsionem remoratur. His quippè sentiendi movendique vires in subsidium venire & opem ferre solitæ tunc temporis feriantur: Ipsaque corporis contenta nullo motu concitata minùs expedire trahenti, pellentique cedunt. Quid inde? Depravata nutritio, cachexia, purpureo sanguinis honore foedato perit roseus cutis color, facies evadit flava, lurida, pallida, mortuorum haud dissimilis, aut saltem veluti per horas umbris territa larvalibus, impetu facto noxii humores effrænati omnes corporis partes invadunt. Lumina ferè carent lumine, quæ stygiæ vicè paludis, volvunt lachrymas per tenebras. Nasus mucò plurimo obitus angustatur olfactui. Os est labris plumbeum, gingivis purulentum, dentibus buxum, quod spurcat frequenter exhalatus è concavo molarium computrescentium mephiticus odor. Taceo quòd decedit honor humeris, decor brachiis, robur lacertis. Animalia quæ convivii comparantur ut facilè pinguescant, immota in obscuro continentur. Quarundam sceminarum, quæ se tenebris dicaverunt, & sine ullâ exercitatione jacent, tumor pigmentum corpus invadat, & iners sagina succrescat, foedæ tamen videbuntur; quippè non speciosior illis, quàm morbo pallentibus, color est, languida & evanida; albet, & in vivis caro morticina est.

V.

VIS pulchra videri, vis pubertatem diù servare, & splendere etiam tempore alieno, somno adhibeas modum, cum nocturno tempore capias, diurno vigiles; nec lucis noctisque pervertas officia. Quid juvat ad formæ elegantiam alto Sole semisomnem jacere, medio die

vigiliam incipere, qui & multis tempus est Antelucanum? Quid juvat diem totam stertere, & ad faces & cercos vivere? Non oportet somnum refectioni necessarium; plenam esse corporis solutionem, sed tantum remissionem; alioquin iners calor, spiritus ignavi ad omnes naturæ functiones segniores evadunt; corpus universum languidum, molle, infirmumque redditur: Hinc cruditates, obstructions, & excrementorum proventus, quæ omnis generis morborum causæ sunt proximæ; cum quibus quomodo coherere possit venustas non video. Hinc mulieribus quamplurimis unum est institutum, una cura corpus excolere, ac longâ formam quærere desidiâ, dum de singulis capillis in consilium itur, ne quis extrâ ordinem jaceat, dum in orbem & annulos volvuntur, dum aut disjecta coma restituitur, aut deficiens hinc atque inde in frontem compellitur. His accedunt Pictorum artes & præstigiæ, ut insidiosis coloribus pulchritudinem mentiendo aliquandiu spectantium oculos fallant. Quare suus fuit, eritque honos cerussæ, radici anchusæ, fucæ, cocco, purpuræ, ostro, quorum vel similium pulveres oleo odorato permixtos, detergæ prius faciei illinunt, & fucum facientes deformitatem abscondunt, quam possent emendare moderatâ vigiliâ, quæ vim vitæ partibus intimis quasi sopitam & torpescentem excitando, foras evocando, diffundendo, alimentis distributionem, excrementorum, omniumque supervacaneorum expulsionem juvaret, à quibus pendet vera & germana, nec indigna Medici curâ, Pulchritudo.

Ergò decedit aliquid Vennustati diuturniore somno.

Proponēbat Parisiis JOANNES MAC-MAHON, Laonensis in Hiberniâ, Doctor Medicus Remensis, Nosocomii Regii Neo-Brisacensis Medicus ordinarius, nec non Saluberrimæ Facultatis Medicinæ Parisiensis Baccalaureus, A. R. S. H. 1749, à sextâ ad meridiem.